

GrønlandsBANKEN-ip akileraartarnermut politikkia

Aallaqqaasiut

Ingerlatseqatigiiffimmik pitsaasumik aqutsinermut innersuussut naapertorlugu GrønlandsBANKEN-imi siulersuisut akileraartarnermut politikki tulliuutoq akuersissutigaat.

Akileraartarnermut politikkimik siunertaavoq akileraartarnermut suliassaqarfimmi aningaaseriviup iliuserisaanut sinaakkusersuinissaq, pissutsinut aningaaseriviup nammineq iliusaanut kiisalu sullitat aamma niuernermini ataqtigisat iliusaanut atatillugu.

GrønlandsBANKEN-ip kissaatigaa Kalaallit Nunaanni atugarissaarneq pillugu ilusiliamut tapiissuteqarnermut peqataanissaq akisussaaqataanissarlu, tamatumani pingaartumik tunngaviuvoq, inuinnaat aamma suliffeqarfiit akileraartarnikkut tapeeqataanissaat.

GrønlandsBANKEN ullumikkut aningaaseriviup sullitai aamma sulisui pillugit akileraartarnermut paasissutissanik akileraartarnermik oqartussaasunut nalunaarsuisarnermut atatillugu inuiaqatigiinnut suliamik annertuumik suliqaartareerpoq.

GrønlandsBANKEN-ip akileraartarnermut politikkimik kissaatigaa akileraartarnermut suliassaqarfimmi ersarissuunerup akisussaassuseqarnerullu annertusarnissaa, kiisalu qaqugukkulluunniit akileraartarnermut inatsit atuuttoq malinneqarnissaa, kissaatiginngilaalu akileraartarnermut aalajangikkani, Inatisartut akileraartarnermut inatsimmi siunnerfiinut akerliusuni peqataanissaq.

Grønlands-BANKEN-ip akileraartarnermut oqartussaasunik suleqateqarnera

GrønlandsBANKEN-ip akileraarutini pissutsit assigiinngitsut pillugit akileraartarnermut oqartussaasut ingerlaavartumik suleqatigai, matuma ataani akileraarutininik nalunaarutiginninnerit, soorlu aningaaserivik ingerlaavartumik akileraartarnermut misissuinernik assigiinngitsunik misissuffiqeqartartoq.

GrønlandsBANKEN-ip pisuni tamani kissatigaa Kalaallit Nunaanni inatsisillu atornerqarfiini allani, aningaaseriviup niuernermini aamma attuumassuteqarfisaa akileraartarnermut oqartussaasunik suleqateqarluarnissaq. Suleqatigiinnerup qulakkiissavaa, aningaaserivik akileraartarnermut immikkoortumi malittarisassanik malinnissasoq.

Grønlands-BANKEN-ip akileraarutininik nalunaarutiginnittarnera

GrønlandsBANKEN akileraartarnerq pillugu inatsisit – Danmarkimi kiisalu inatsisillu atornerqarfiini allani inatsisit – atuuttut naapertorlugit sullitat sulisullu aningaasaqarnikkut inissisimani pillugit akileraartarnermut oqartussaasunut paasissutissanik arlalinnik nalunaaruteqarnissamat pisussaaffeqarput.

GrønlandsBANKEN-ip aamma tamatumunnga atatillugu kissaatigaa akisussaassuseqartutut sassarnissaq kiisalu paasissutissanik taama itturnik eqqortumik piffissarlu eqqorlugu tunniussinissaq.

FATCA-mut aamma CRS-imut nalunaarsuinernut malittarisassat aallaavigalugit aningaaserivik Akileraartarnermut Aqutsisoqarfimmut ukiumoortumik nalunaarsuisarpoq.

Grønlands-BANKEN-ip akileraarutininik akiliisarnera

GrønlandsBANKEN-ip akileraarutit akitsuutillu, aningaaseriviup sammisaanut isertitaanullu Inatsisartut allallu akiligassanngortitaat Kalaallit Nunaanni oqartussaasunut akilerusuppai.

GrønlandsBANKEN-ip pisariaqartitsinermi eqqortumik akileraarutininik akiliinissaq il.il. qulakkeerniarlugit avataanit siunnersortininik ikiorneqartarpoq, ass. Aningaaseriviup nammineerluni nalunaarsuineranik misissuinermut kiisalu akileraartarnikkut pissutsit pillugit naliliinermi oqaaseqarnermilu.

Grønlands-BANKEN-ip sullitanut siunnersuinerpaasissutissiineralu

Aningaaserinermik suliffeqarfiit ileqqorissaarnissananut malittarisassani oqaatigineqarpoq, akileraartarnermi pissutsit, nioqqtissanut sullissinermullu aningaaseriviup neqeroorutaanut attuumassuteqartut pillugit aningaaseriviup sullitani siunnersortassagai.

Siunnersuineq, nalinginnaasuusoq ilitersuutaaneruserlu, ilaatigut imaqarpoq nioqqtissat Kalaallit Nunaanni qanoq akileraaruteqaataasarnerinik. GrønlandsBANKEN-ip

siunnersuineranik naatsorsuutigineqarpoq, ilisimasassat attuumassuteqartut tamarmik saqqummiunneqarsinnaanissaat nalilerneqarsinnaanissaallu, matuma ataani aamma akileraartarnermut oqartussaasunit. Sullitat pissutsit aalajangersimanerusut pillugit siunnersorneqarnissamut kissaateqarpata, avataani siunnersortinut innersuussisoqartarpoq.

GrønlandsBANKEN-ip arlaannaatigulluunniit kissaatiginnilaa peqataaffigissallugu, sullitat akileraarnissamut pisussaaffimminnik sumiginnaanissaat. GrønlandsBANKEN-ittaaq kissaatiginnilaa iliuseqarnissanut, akileraaruteqanginnissamik taamaallaat siunertaqartunut siunnersuissalluni imaluunniit peqataassalluni.

GrønlandsBANKEN-ip Akileraartarnermut oqartussaasut killissaq qaangerlugu akileraartarnermut siunnersuinermut, killissaq qaangerlugu akileraarnissamut pisussaaffimmik sumiginnaanissamik annikillisaqataasussamut innersuussutit malippai. GrønlandsBANKEN-ip nunat, EU-p imaluunniit OECD-p nunat suleqatiginnikkusunnigitsut (akileraarutikinneruffiit) pillugit allattorsimaffimiittut sammisaqarfinginnilai.

GrønlandsBANKEN-ip kissaatigaa akileraartarneq pillugu immikkoortumi FN-ip nunarsuaq tamakkerlugu anguniagai tapersersussallugit.

Pinerlunnikkut aningaasarsianik malunnaarunnaars aasarneq aamma akileraaruteqang inniq

GrønlandsBANKEN sullitanik nutaanik pilersitsigaangami annertuumik sullitap ilisimanissaanut ingerlariaaseqarpoq. Ingerlariaatsip taama ittip imaraa sullitap aamma piginnittuuneeq pillugit paasissutissanik aallerneq, tassani sullitap GrønlandsBANKEN-illu akornanni ataqatiginnermut attuumassuteqartut sullitamut tunngasut qulaajarneqartarput.

Tamanna aamma atuuppoq siunertanut taarsigassarsinermut akiitsornermullu tunngasuni imaluunniit GrønlandsBANKEN-ip nioqqutaanik allanik atuinermut atatillugu.

Ilanngullugu nuussinernik il.il. ingerlaavartumik nakkutiginnittoqartarpoq. Tamatumani GrønlandsBANKEN-ip ilaatigut pinerlunnikkut aningaasarsianik malunnaarunnaarsaanermut aamma akileraaruteqanginnissamut atornerqarnissaanut aarlerinaat annikillisarnerlugu. Suleqatigiinneq pitsanngorsarnissaa piginnaanerulertinnissaalu aammattaaq ersernerlussinnaasunut isumaqatigiinngiffiusinnaasullu erseqqissarnissai siunertaralugu aningaaseriviup uteqattaartumik Akileraartarnermut Aqutsisoqarfik ataatsimeeqatigisarpaa.

Akisussaaffik

GrønlandsBANKEN-ip siulersuisui akileraartarnermut politikkimut akisussaasuupput, taanna nutarsamissaa siunertaralugu minnerpaamik ukiumut ataasiarluni misissorneqartarpoq.

Saqqummiussineq

Akileraartarnermut politikki una GrønlandsBANKEN-ip nittartagaaniippoq, taamaasillutik sullitat, pisiortorfiit, oqartussaasut allallu soqutigisaqartut takusinnaavaat, akileraartarnermut tunngasuni GrønlandsBANKEN-imit suut naatsorsuutigisinnaanerlugit.

Kukkunersuineq

Ataani skemami takusinnaavat allagaat qanga kingullermik allanngortinneqarsimansoq:

Allanngortinneqarpoq:	Immikkoortoq akisussaasoq:	Siulia:
2024-12-11	AML	2023-12-14

Akileraartarnermut politikki siulersuisunit akuersissutigineqarpoq ulloq 11-12-2024.
